

Inzko posjetio dječiji cirkuski kamp u Srebrenici



Visoki predstavnik i specijalni predstavnik EU Valentin Inzko posjetio je Srebrenicu kako bi dao podršku djeci i mladima u tom gradu, koji su tokom pet dana uvježbavali, a 5. septembra 2009. godine i izveli cirkusku gala predstavu. "Djeca i mladi su budućnost Bosne i Hercegovine i meni je posebno drago što sam se danas mogao s njima sastati. Druženja djece i timski rad najbolji su poticaj održivom povratku i dugoročnom pomirenju", rekao je Inzko.

Cirkuski kamp u Srebrenici je organizirala austrijska humanitarna organizacija "Bauern helfen Bauern" (poljoprivrednici pomažu poljoprivrednike) u cilju izgradnje multietničkog zajedništva i timskog rada kod djece.